



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: UP-I/25-3-40-147-5/21
Datum: 06.05.2021.

Agencija za vodno područje rijeke Save» Sarajevo rješavajući po zahtjevu podnesenom od strane fizičkog lica Sedin Varupa sa djelatnošću registrirane kao Kućna radinost „SEDIN“ Vitez, za donošenje Rješenja o vodnoj dozvoli za aktivnost ispuštanja otpadnih voda sa lokacije poslovnog objekta namijenjenog za sušenje sirovog mesa, koji se nalazi u naselju Bukve, općina Vitez, Kanton Središnja Bosna, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98 i 48/99) **d o n o s i**

ZAKLJUČAK

1. Odbacuje se zahtjev podnesen od strane fizičkog lica Sedin Varupa, za donošenje Rješenja o vodnoj dozvoli za aktivnost ispuštanja otpadnih voda sa lokacije poslovnog objekta namijenjenog za sušenje sirovog mesa, registriranu kao Kućna radinost „SEDIN“ Vitez, koji se nalazi u naselju Bukve, općina Vitez, Kanton Središnja Bosna na zemljištu označenom kao k.p. broj 757 K.O Bukve općina Vitez, jer prema odredbama člana 139. stav (1) Zakona o vodama nije propisana obaveza pribavljanja vodnih akata.
2. Ovaj Zaključak ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, što uključuje i odgovarajući vodni akt kantonalnog ministarstva nadležnog za vode, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog objekta dođe do promjene tehnologije prerade mesa će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Fizičko lice Sedin Varupa je dostavilo zahtjev ovoj Agenciji za donošenje rješenja o vodnoj dozvoli za aktivnost ispuštanja otpadnih voda sa lokacije poslovnog objekta namijenjenog za sušenje sirovog mesa, koji se nalazi u naselju Bukve, općina Vitez.

Uz zahtjev je dostavljena slijedeća dokumentacija:

- Kopija osobne iskaznice;
- Uvjerenje o registraciji poreznog obveznika ID br. 4337214040009 od 24.11.2017., izdano od Porezne uprave Novi Travnik;
- Rješenje za registriranje obrtno radnje Kućna radinost „SEDIN“ Vitez br. UPI 04-21-2-1047/17 od 22.11.2017., doneseno od Službe za poduzetništvo i lokalni razvoj, općine Vitez;
- Glavni projekt izrađen od poduzeća „PERSPEKTIVA“ Visoko za stambeno poslovnu zgradu;
- Rješenje o odobrenju za uporabu br. UP I 06-23-5-1623/14 od 23.07.2014.god., doneseno od Službe za imovinsko pravne poslove, katastar i urbanizam, općine Vitez.;
- Rješenje o ispunjavanju veterinarsko-zdravstvenih uvjeta objekta za preradu mesa br. 04-24-801/19 od 11.12.2019.god., izdano od Ministarstva poljoprivrede, vodoprivrede i šumarstva Kantona Središnja Bosna;

- Potvrda MZ Bukve za priključak na vodovodnu mrežu, broj: 14/01 od 06.09.2001. godine;
- Uplatnica administrativne takse;
- Uplatnica po zaključku o posebnim troškovima;

Postupajući po podnesenom zahtjevu, a u cilju utvrđivanja uvjeta za pokretanje upravnog postupka u ovoj upravnoj stvari, od strane stručnih osoba iz Agencije za vodno područje rijeke Save uz nazočnost predstavnika podnosioca zahtjeva, dana 22.04.2021. izvršen je uviđaj na predmetnom lokalitetu, u skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), pri čemu je o utvrđenom činjeničnom stanju sačinjen Zapisnik br. UP-I/25-3-40-147-4/21.

Na temelju dokumentacije dostavljene uz zahtjevi i Zapisnika o uviđaju, utvrđeno je sljedeće:

Predmetni objekat se nalazi u sklopu stambeno poslovne zgrade u naselju Bukve, na zemljištu označenom kao k.č. broj 757 K.O Bukve općina Vitez.

Aktivnosti koje se provode u sklopu Kućne radinosti „SEDIN“ Vitez je nabavka sirovog mesa, obrada istog, sušenje, distribucija i prodaja na zakupljenim štandovima.

Tehnološke vode u manjoj mjeri nastaju u postupku pripreme, odnosno usoljavanja sirovog mesa prije postupka sušenja, a ista se ne ispušta nego koristi, nakon uporabe, za kao sirovina za pripremu stočne hrane koja se koristi na lokalnoj farmi.

Kako se radi o malom kapacitetu proizvodnje sušenog mesa u sklopu Kućne radinosti, na predmetnom lokalitetu nema produkcije tehnoloških otpadnih voda kao rezultata tehnološkog postupka, kao ni oborinskih onečišćenih voda, kako je to utvrđeno odredbama člana 3. tačka (s), a u vezi sa tačkom cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20), odnosno nema ispuštanja tehnoloških otpadnih voda u smislu odredbi člana 139. stav (3). Zakona o vodama.

Iz razloga naprijed navedenih, a u skladu s članom 139. stav (1) Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Marko Barić, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

Dostaviti:

- Sedin Varupa, Bukve bb, Vitez
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava